



Векало ПахIала тассалникахошка яздина шолгIа кехат

Тассалник-гIалахь йолчу тешначийн тобанехь болу нах карзахбохура Ийса маца вогIур ву бохучу хаттаро. Цхьаберш тешара Веза Эла схьаваран де тIедеана даьлла хиларх. *Векало ПахIала тассалникахошка яздинчу шолгIачу кехат* тIехь цу харцтешарна жоп ло. ПахIала тьуду, Дала леррина Кьобалвинарг юхавале, вониг а, зуламаш а тоьгал кхочуш хир ду аьлла. «Вониг» олучу цхьана стага олалла дечу хенахь хир ду иза. И стаг Дала леррина Кьобалвинчунна дуюьхал хир ву.

Баланаш хьобгуш беллахь а, шайн тешарехь чIагIбина хила беза хIара кехат доьшурш, боху векало ПахIала. ПахIала а, цуьнан накьосташа а санна болх а беш, шайн дахарна оьшург латто деза цара. Иштта цара кхидIа а диканиг дан деза.

Дешхьалхе

1 ¹ ПахIала а, Салис а, Тимапис а хIара кехат яздо Тассалник-гIалара вайн Да волчу Делах а, Веза Эла волчу Ийсах а тешначийн тобане.

² Вайн Да волчу Делера а, Веза Эла волчу, Дала леррина кьобалвинчу Ийсагара а долу дика а, синпаргIато а хуьлда шуна.

Ийса схьавеача хинйолу кхел

³ Динан вежарий! Вай Далла баркалла ала деза, Ийсах тешарехь шу чIагIлуш долу дела. Иза баккьалла а иштта ду, хIунда аьлча шуна массарна а юкьахь хIораннан а вовшашка болу безам кхин а алсамбуьйлуш бу.

⁴ Иштта, оха тхашь а Делан динан тобанийн гуламашкахь дозалла до собаре хиларца а, тешарца а аша массо а баланаш а, халонаш а ловш хиларх.

⁵ Цу дерригено а гойту Делан кхел нийса хилар. Делан олалла бахьана долуш аша хIинца баланаш ловш болу дела, шу хьакь долуш хетар ду Цуьнан олалле кхача. ⁶ Дела нийсо еш хиларна, шу сийсаздаьхначьарга а баланаш хьобгуьйтур бу Цо, ⁷ тькьа баланаш ловш долчу шуна тхочьа цхьаьна синтем хир бу. Иза хир ду Веза Эла волу Ийса Шен нуьцкьалчу

маликашца а, йогучу цIарца а стигалшкара гучуволучу хенахь. ⁸ Оцу хенахь шайна Дела вовза ца лиинчарна а, вайн Веза Эла волчу Ийсах болу хаза кхакь тIе ца эцначарна а дIадовкхур ду Цо. ⁹ ТаIзар а дина, уьш гуттаренна а хIаллакбина хир бу. Везачу Элах а, Цуьнан возаллин сийлаллех а дIабаьхна хир бу уьш. ¹⁰ И таIзар дийр ду Шен долахь болчу нахера сийлалла тIеэца а, массо а Шех тешначьарга Шен сий дайта а Ийса схьаванчу оцу сийлахьчу дийнахь. Тькьа шу а царна юкьахь хир ду, оха шуна деллачу тоьшаллех шу тешна дела.

¹¹ Цундела шуна тIера оха даим доIанаш до, Ша кхайкхинчу дахарна вайн Дала шу хьакь долуш хилийтар доьхуш. Муьлхха а дикачу ойланца шуна дан лууш дерг а, Делах тешарца аша деш долу муьлхха а гIуллакх а Деле Шен ницкьаца кхочушдар доьху оха. ¹² Цу тайпана вайн Веза Эла волчу Ийсан цIе шуьгахула а, тькьа шу Цуьнгахула а гIарадевр ду. Вайн Дела а, Веза Эла а волчу, Дала леррина кьобалвинчу Ийсан* долчу диканца хир ду иза.

ХIаллакьхила вогIун волу кьинийн кIант

2 ¹ Динан вежарий! Оха доьху шуьга вайн Веза Эла волу Дала леррина кьобалвина Ийса кху дуьнен тIе схьаварах а, вай Цуьнца цхьаьнакхетийтарх а лаяьна: ² шайн ойла сиха ма карчийталаш, атта синтем ма байалаш, Веза Эла вогIу де тIекхьаьчна бохуш, цхьаммо хаам бар бахьана долуш. Цхьаммо ала мега, и хаам Делан Сино бина, я оха бина, я кехат тIехь дIаязбина бу аьлла. ³ Цхьаьнгге а цхьана а кепара шашь ле ма дайталаш, хIунда аьлча адам, Iеса а даьлла, Далла дуюьхал эргIаддаьлча а, хIаллакьхиларна лерина волу а, зуламех кхачам хиллал вуьзна волу а цхьа стаг гучуваьлчий бен, и де тIедогIур доцу дела. ⁴ «Дела» аьлла, цIе йоккхучу а, адаманша Ибадат дечу а массо а хIуманна дуюьхалвер ву и стаг, царал ша лакха а воккхуш. Делан цIа чохь, ша дела ву бохуш, охьахуур ву иза. ⁵ Дага ца догIу шуна, шу долчохь со волуш, аса шайга и дийцар? ⁶ Тькьа хIинца шуна хаьа, иза сецош дерг хIун ду. И бахьана долуш шен хеннахь бен иза гучувоккхур вац. ⁷ Кьайлаха долу зулам хIинцале а кьахьобгуш ду. Амма хIинца а иза сецош волчо кхин дIа а сецор ву, новкьара иза Дала дIаваккхалц. ⁸ TIаккха гучувер ву зуламех вуьзна волу и стаг. Веза Эла волчу Ийсас Шен багарчу Iаьнарца вуьйр ву иза, Шен схьаваран дозаллица иза хIаллак а виьр ву. ⁹ Зуламех вуьзна волу и стаг гучуваьлча, иблисо цуьнгахула лелочу ондачу ницкьаца массо а тамашийна харцйолу билгалонаш

* ^{1:12} Вайн Дела а, Веза Эла а волчу, Дала леррина кьобалвинчу Ийсан. Я иштта: Вайн Делан а, Веза Эла волчу, Дала леррина кьобалвинчу Ийсан а.

^{1:9} ЕшаI-ЯхIу 2:10. ^{2:1} Тассалникахошка 4:15-17. ^{2:4} Даниал 11:36; Яхьазкхиал 28:2. ^{2:8} ЕшаI-ЯхIу 11:4. ^{2:9} Маттай 24:24.

^{1:1} Векалийн 17:1.

а, Иаламаташ а гойтуш лелар ву иза. ¹⁰ Шаьш кЕлхьардохур долу билггал долу бакьдерг безамца тЕе ца эцарна а, иза ца дезарна а хАллакхьуьлуш берш муьлххачу а харцонца лебеш лелар ву иза. ¹¹ Цундела Дала чIогIа Iе-хаболуьйтур бу уьш, билггал бакьдоцучух тоьшуьйтуш. ¹² ТIаккха билггал бакьдолчух а ца тешна, харцдерг дезначарна Дала кхел йийр ю.

КЕлхьардахарна хаьржина

¹³ Везачу Элана безна вежарий! Шу хьалхарнаш ду Делан Сино шу Делан дола дахарца а, билггал бакьдолчух тешарца а Дала кЕлхьардаха хаьржинарш. Цундела шуна тЕера Деле даим баркалалаш баха деза оха. ¹⁴ Оха кхайкхийна хаза кхаь бахьана долуш шу Дала хаьржина, вайн Веза Эла волчу, Ша леррина кьобалвинчу Иийсан сийлаллин декъашхой шу хилийтархьама. ¹⁵ Цундела, динан вежарий, чIагIлой Iелаш. Хьалха а оха шуна бина болу а, тхан кехат тЕехь язбина болу а хьехамаш лар а беш, даха.

¹⁶ Ткъа вай дезначу, вайн Веза Эла волчу, Дала леррина кьобалвинчу Иийсас а, вайн Да волчу Дала а Шен маьхзачу диканца хаддаза иракара-хИттор а, хиндолчу дикане сатийсар а делла вайна. ¹⁷ Муьлххачу а аша олуш долчунна тЕехь а, муьлхха а аша деш долчу дикачу гIуллакхашна тЕехь а, иракара а хИттош, Дала чIагIдойла шу.

Тхуна тЕера доIанаш делаш

3 ¹ Динан вежарий! Везачу Элах лаьцна кхаь, шу долчохь ма-хиллара, сиха дIасабаржийта а, лоруш тЕэцийта а тхуна тЕера доIанаш делаш. ² Кхин а дехалаш мекара а, вон а нах вайх дIакъастор, хIунда аьлча берриш а ма бац цу кхоах тешаш.

³ Амма тешаме ву Веза Эла. Цо чIагI а дийр ду шу, мекара волчух лар а дийр ду. ⁴ Оха шайна хьобхург аша кхочушдеш хиларх а, кхин дIа а кхочуш дийриг хиларх а Везачу Элаца хиларна, шух лаьцна долчух шеко йоцуш тешар ду тхан. ⁵ Делан безам бовза а, Дала леррина кьобалвинчу Иийсан собар довза а шун дегнаш Везачу Эло тЕехьажадойла.

Массо а къахьега декхарийлахь ву

⁶ Динан вежарий! Вайн Веза Эла волчу а, Дала леррина кьобалвинчу а Иийсан цIарах весет до оха, аша тхобгара тЕэцначу Делан хьехамашца а ца лелаш, мало йолуш волчу муьлххачу а динан веших дIакъаста аьлла. ⁷ Шуна шайна а ма хаьа, шу, тхо ма-леллара, лела дезийла. Оха шу долчохь мало ца йора. ⁸ Цхьанна а меттехь маьхза бепиг ца дуура оха. Мелхо а, шуна цхьанна а тхайх бала ца бархьама, дийнахь а, буса а, къа а хьобгуш, болх бора оха. ⁹ Иза-м тхайн бакьо яц аьлла а доцуш, шуна тхайгара дика масал далийта дора оха, шун а иштта лела лаам хилийтархьама. ¹⁰ Шу долчохь тхаьш хиллачу хенахь, оха хIара весет динера шуьга: «Къахьега ца луучо хIума а ма яа», — аьлла.

¹¹ Шу долчуьра цхьаболу нах, къинош а летош, мукъа Iаш бу бохуш, хеза тхуна. ХIумма а ца деш болу уьш нехан гIуллакхашна чу юкьагIерта. ¹² Иштгачарна вайн Веза Эла волчу, Дала леррина кьобалвинчу Иийсан цIарах тЕдилларца оха хьобху, шайн куьйгашца къа а хьобгуш, шайна догIу рицкъа даккха а, синна паргIат хила а.

¹³ Ткъа аша, динан вежарий, дарх кIорда а ца деш, диканиг де. ¹⁴ Нагахь санна шух цхьаь оха яздина весеташ кхочушдеш вацахь, иза билгалваккха. Цунна эхь хетийтархьама, цуьнца юкьаметтиг ма хилийта. ¹⁵ Иза мостагIа санна ма лара, амма, шайн ваша хиларе терра, иза кхетаве.

Чаккхе

¹⁶ Ткъа машар карахь болчу Везачу Эло Ша гуттара а массо а хIуманна тЕхь шун дегнашна машар лойла. Хуьлийла Веза Эла шуьца массаьрца а!

¹⁷ Аса, ПахIала, сайн куьйгаца яздечу маршаллица чекхдоккху хIара кехат. Соьгарчу хIора кехатан билгало ю иза. Аса иштта яздо:

¹⁸ Вайн Веза Эла волчу, Дала леррина кьобалвинчу Иийсас дина маьхза долу дика хуьлийла шуьца массаьрца а.